

1239

C O D I C E S

1240

CCCXIV.

786

Codex chartaceus lat. Sec. XVI. Folior. 112. 8. propria, ut videtur, Autoris manu nitide scriptus et olim e Thesauro *Ambrosiano* huc translatus insignitur minio: *Ad serenissimum inuictissimumque orbis dominum. maximilianum cesarem: Joannis tritemij abbatis peapolitani* (sive ad S. Jacob. Herbipoli a *rom* Herba) *liber octo questionum in nomine christi incipit.* Praeit Index harum Quaestionum in *Castello Bopardiano* Autori a *Maximiliano* pro curiositate sua encyclopaedica propositarum. Responsta subscripta sunt: *Ex ciuitate neometana* (Spira) *X. die mensis Julij. Anno Christianorum Millesimo Quingentesimo Octauo.* Egit jam de iis *Lambecius* L. II. p. 805. edit. *Kollar.* col. 634. Quoniam vero non nisi *Paralipomenon Petri Bles.* et *Job. Tritemii* a *Job. Busaeo* S. J. *Mogunt.* 1605. et *Colon.* 1624. 8. editorum, quibus insertae sunt, meminit, iuuerit et separatas Editiones mihi cognitatas hic adscribere. Sunt vero: *Oppenheimii* 1515. 4. *Coloniae* 1534. et 1603. 4. *Francofurti* 1550. et 1610. 8. *Duaci* 1621. 4. Quibus adde Versionem germanicam interprete *Hier. Zieglero Ingolstadii* 1555. 4.

CCCXV.

48

Codex membraneus lat. Sec. XIV. Folior. 118. f. max. per duas columnas minute scriptus

et rubricatus exhibet I. *Petri Lombardi* Ep. Parisini *Libros IV. Sententiarum*, quibus sibi et *Magistri* nomen promeruit. *Fol. 1. pag. 2.* incipit Praefatio: *Aliquid de penuria ac tenuitate nostra cum pauperula in gazophilacium domini mittere. ardua scandere. opus ultra vires nostras agere presumpsimus &c.* Editio princeps f. l. et a. f. quae cum reliquis Sec. XV. editionibus anno 1784. e *Bibliotheca Garellia* in Caesaream translata est, vocem *Cupientes* praemittit, cujus omisso sensum tamen nullatenus turbat. Librum quemvis antecedit *Index Capitum.* Quartus et ultimus sic definit: *qui a facie sedentis exorsus per media ad pedes usque uia duce peruenit.*

II. et quidem fol. 79. exhibet Codex noster Opusculum, cujus haec rubrica est: *Incipiunt distinctiones super totum psalterium. secundum magistrum Thomam Nouonensem. quas fecit cum legeret Parisus.* Praefatiuncula incipit: *Preoccupemus. faciem eius in confessione. Est introitus interior et exterior &c.* Sequitur alia rubrica: *Incipit liber ymnorum uel Soliloquiorum prophete de Christo.* Et sub hac: *Dauid dicitur eximius prophetarum Propter humilitatem. unde de eo dicitur in primo Reg. III. cap. Inueni uirum f. c. m. Propter regiam dignitatem. Vnde dicitur. Oleo sancto meo unxi eum. Propter factam ei de Christo promissionem. Vnde de fructu ventris tui ponam f. t. Propter dictorum suorum excellentiam.*

tiam. Vnde. *Audiam quid loquatur in me dominus deus.* Atque ita singula Pfalorum senfa in tres, quatuor, quinas, quin et plures particulas pro aevi illius gustu secando proceditur usque ad *Psalmi CXLIX. v. ultimum* et sic concluditur: *Vt faciant in eis iu. con. Vnde Daniel. ver. Sedit iudicium. et libri aperti sunt. et iudicatum est secundum quod continetur in eis.* De Thoma Novoniensi vel fortasse Novomensi altum apud Gesnerum, Oudinum, Fabricium, Egassium Bulaeum, Lelongium silentium. Neque Bibliothecarum Mss. Editores, quorum praecipuos solerter consulimus, quidquam mussant. Solus Montefalconius pag. 1256. *Sermones Thomae de Noyum* commemorat, qui nofterne sit, dicere non habemus, opus tamen ipsum ad Sec. XII. aut XIII. pertinere arbitramur. Codicis nostri fol. 1. capitali litera adscriptum est: *Sentencie de Augea*; id quod conjecturam facit, illum quondam in possessione cujusdam celeberrimorum Monasteriorum, quae *Augiae* nomen praeferunt, fuisse.

CCCXVI.

372 Codex membraneus lat. Sec. XIV. Folior. 68. f. per duas columnas exaratus et rubricis distinctus est: *Summa super sententiarum Magistri petri*, videlicet dicti Lombardi, cujus Prologus incipit: *Sicut desidiosi et pigri nimium lectoris est obscura et magnis senten-*

tiis grauida nolle exponere. ita quoque non studiosi sed superstitiosi est ea que plana sunt longis nimium et peregrinis expositionibus honerare &c. Expositio ipsa: *Nos cupientes mittere. i. addere aliquid expositionis in gazophilacium domini. i. in scripturis dei que dicuntur gazophilacium &c.* Finis L. IV. *mater que non comedit magis delectatur de ipsa re. i. de melle comesto a filio. quam filius delectatur in mel comedendo. Explicit summa sententiarum.* Accedit Index. Difficile est in tanto eorum numero, qui inde a Sec. XII. in *Petri Lombardi Sententias* commentati et commenti sunt, Autorem praesentis *Summae* digito monstrare, nisi Curiosorum quis in Exemplar incidat forte fortuna ejus nomine insignitum.

CCCXVII.

Codex chartaceus lat. Sec. 215 XV. Folior. 136. f. corrente calamo scriptus, olim *Petri Lambecii* continet I. *Commentaria in IV. Libros Sententiarum Petri Lombardi*, hoc initio: *Quoniam in paucioribus via magis (expedita?) ideo scripta sententiarum communia studendo et legendo cogitui fore congruum omnium questionum conclusiones cum breui declaratione in unum breuiter et ordinate colligere &c.* Finis: *qui ad gaudia eos secum trahit eterna, ad que nos perducere dignetur &c.* Adjectum: *Explicunt soluciones supra quatuor libros sententiarum in scolis prage collecte.*